



**R.P. Leonardi Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Qvæstio XXVI. De Officio Mediatoris. In duos Articulos diuisa.

[urn:nbn:de:hbz:466:1-72898](#)

QVÆSTIO XXVI.

De Officio Mediatoris.

In Duos Articulos diuisa.

ARTICVLVS I. & II.

*Vtrum Christo proprium sit esse
Mediatorem Dei & homi-
num? Et secundum vt-
ram naturam?*

¹ *Mediator
dicitur
dupliciter,*
Notandum est, Dupliciter aliquem dici
Mediatorum.
Primo, Secundum substantiam; nem-
pe quando in aliquo, duo substantialiter
coniunguntur. Sic Christus dicitur Mediator, quia
eius personalitas coniunxit substantialiter diui-
nam & humanam naturam; & ipse est instar medi-
participes utriusque extremi per substantiam, scilicet
diuinæ & humanæ naturæ.

² *Secundū
modum, id-
que tripliciter.*
Secundò, Qui est Mediator secundum operatio-
nem. Nempe qui se medium ponit inter duos, vt
eos dissidentes conciliet. Quod tripliciter potest
fieri in proposito. Primo, Per modum internuntiū
ultrò citroque pacta & conditiones partium re-
ferendo. Secundò, Supplicando alteri parti pro
alterā. Tertiò, Satisfaciendo alteri pro altero.

³ *Omnis ha-
rations
conueniunt
Christo.*
Omnis hi modi conueniunt Christo. Ipse enim
conditiones pacis inter Deum & homines propo-
suit, vnde dicitur Angelus Testamenti, Malach. 3. &
Mediator Novi Testamenti ad Hebreos 9. Ipse est
Aduocatus noster 1. Ioann. 2. Interpellans pro nobis, ad
Roman. 8. Denique ipse pro nobis perfectè sa-
tisfecit.

Duo priores modi etiam conueniunt alijs. Nā
Moyses erat Mediator inter Deū & homines, oran-
do pro hominibus, & Leges diuinæ ad ipsos de-
ferendo. Vnde Deuteronom. 5. ait: *Ego medium & se-
quester sui inter Deū & vos illo tempore.* Et ad Galat.
3. Lex dicitur data per Angelos in manu Mediatoris,
id est, interueniente Moysè. Tertius modus soli
Christo conuenit.

⁴ *Erros
duo de
Mediatorre
Christo.*
Notandum Secundò; Esse duos errores de hac
Quæstione. Prior, Humanitatem Christi in ab-
stracto esse mediatrixem, non autem personam Fi-
lij Dei. Ita quidam Hæretici in Polonia. Alter
est, Christum esse Mediatorem secundum utram-
que naturam; ita vt per utramque munus Mediato-
ris exerceat. Ita Calvinus & Lutherus. Nam
duplicia faciunt opera Mediatores; quædam quæ
per solam humanitatem exercentur, et si à diuinâ
tate habeant efficaciam; vt orare, pati, mori; quæ-
dam que per solam diuinitatem, vt remittere pec-
cata, illuminare mentes, operari miracula, of-
ferre sacrificium.

⁵ *Ratio per-
fici Medi-
atoris est
propriæ
Personæ
diuinæ,
qua est
Christus
homo.*
Dico Primò; Officium & munus perfecti Mediato-
ris, est proprium, non humanitati seorsim,
sed persona diuinæ, qua est Christus homo. Est
fide tenenda.

Probatur, Quia actiones sunt suppositorum:

in Christo autem solū eraū suppositum diuinum.

Secundò, Quia præcipuum Mediatores officiū
erat perfectè satisfacere diuina iustitia pro nobis;
atqui non poterat esse satisfactio perfecta nisi esset
personæ diuinæ, vt suprà ostendimus.

Tertiò; Quia hec est communis sententia Pa-
trum, qui docent Christum ideo vocari ab Apo-
stolo *Vnicum Mediatorem*, quia solus diuinæ & hu-
manæ naturæ est particeps; volentes ostendere ho-
minem non posse esse perfectum Mediatorem, nisi
sit persona diuinæ, quæ per humanam naturam
operetur. Ita Ambro. & Patres Græci in illum
locum Apostoli 1. ad Timoth. 2. v. 5. *Vnus Deus,
vnius & Mediatores Dei & homini, homo Christus IESVS.*
Cyrillus lib. 12. Thesauri cap. 10. & Fulgentius
de Fide ad Petrum cap. 2.

Dico Secundò; Christus tamen non fuit Me-
diator secundum diuinam naturam, sed secundum ^{Moniam}
fuit Mediatores humanam ^{Non iam} ^{tor, nisi}
humanam; id est, per solam naturam humanam ^{secundum}
functions Mediatores obiuit & recepit. ^{Naturam}

Probatur ex Scripturis 1. Timoth. 2. v. 5. *Vnus humanam.*
Deus, vnius & Mediatores Dei & hominum, homo Christus
IESVS. Vbi Apostolus ait: *Homo Christus IESVS,*
non Deus Christus IESVS, vt designet naturam, se-
cundum quam est Mediatores; vt notauit D. Aug.
lib. 2. De peccato originali cap. 28. Item distin-
guit Mediatores à Deo. Neque dici potest Deū
accipi pro solo Patre; vt volunt Hæretici: quia
Filius nos toti Trinitati reconciliavit, vt docet
Augustinus Concione prima in Psal. 29. ostendens illud *Vnus Deus* significare Trinitatem, &
Christum esse Mediatores inter Trinitatem &
peccatores. Similiter Chrysost. Oecumenius, &
Theophilactus dicunt per *Vnus* non excludi Fi-
lium, sed Deos gentium. Auctor. 20. v. 28. In quo
vos Spiritus sanctus posuit Episcopos, regere Ecclesiam
Dei, quam acquisiuit sanguine suo. Atqui in effusione
sanguinis erat præcipuum munus Mediatores; per
hanc enim nos reconciliavit: ergo obiabit munus
Mediatores per naturam humanam.

Secundò Probatur ex Patribus. Vide D. Au-
gustinum tract. 82. in Ioann. & lib. 10. de Ciuitate
c. 20. Cyrillum lib. 11. in Ioan. c. 7. & in Apo-
logeticu ad 10. Capitulum. Et alios suprà indi-
catis in illum locum Apostoli.

Tertiò, Ratione. Primo, Quia officium Mediatores
includit ordinem ad alterum, naturâ vel ^{Officium}
supposito distinctum; sicut orare, satisfacere, agere ^{Mediatores}
ad alterum ^{includit}
ad alterum ^{ordinem}
satisfacit. Sed Christus, vt Deus, nullo modo di-
stinguitur, ab eo, qui oratur, cui satisfit, & sacri-
ficatur: ergo secundum illam naturam non est
Mediator. Confirmatur, Quia nemo est Mediatores
respectu sui ipsius; sed quia aliquem reconciliat
alteri: ergo Christus solū est Mediatores per hu-
manam naturam, nam per hanc solū distingui-
tur à seipso quā Deus.

Secundò; Si Christus est Mediatores secundum
OO iiiij naturam

naturam diuinam: ergo tota Trinitas est mediator; nam natura diuina est communis tribus.

Tertiò, Christus tantum per illas actiones est Mediator, per quas meruit & satisfecit: sed meruit & satisfecit solùm per actiones naturę humanaę: ergo &c.

⁴
Actiones
Mediatoris
est.

Dupliciter
aliquid sit.
1. Ex princi-
pali auto-
ritate.

2. Ex com-
missione,

3. Mediato-
res, infe-
riore mo-

Dices; Docere, facere miracula, sacrificare, pacificare, reconciliare, remittere peccata, dare Spiritum sanctum, sunt functiones Mediatoris; sed Christus has obiuit per naturam diuinam: ergo &c.

Respondeo; Sacrificare nullo modo esse functionem diuinitatis. Nam Sacrificium offertur superiori in testimonium summi principatus. Unde omnis Sacerdos minor est eo, cui Sacrificium offert. At diuinitas non potest habere superiorem. Reliquæ autem functiones dupliciter possunt fieri: Primo, ex principali auctoritate: & sic docere, facere miracula, reconciliare, remittere peccata, dare Spiritum sanctum, non sunt functiones Mediatoris: alioqui Pater & Spiritus sanctus essent Mediatores: nam Pater docet, Ioannis 6. v. 45. Omnis qui audiuit à Patre, & didicit, venit ad me. Facit miracula, Ioannis 14. v. 11. Pater tu me manens ipse facit opera. Reconciliat, 2. Corin. 5. v. 19. Erat Deus in Christo mundum reconcilians sibi. Remittit peccata, Lucae 23. vers. 34. Pater, dimite illis. Denique dat Spiritum sanctum, Ioannes 14. vers. 16. Ego rogo Patrem, & alium Paracletum dabit vobis. Secundo, possunt fieri haec functiones ex commissione, & ministerio: & sic conuenient Christo per humanam naturam, suntque functiones Mediatoris.

Aduertendum est; Etsi solus Christus sit principalis & perfectus Mediator, & hoc modo unicus; tūm, quia ipse solus perfectè pro nobis satis-

fecit; tūm, quia omnes per illum sunt reconciliati, ipse autem per nimen; tūm denique, quia ipse non solùm munere, sed etiam substantiā est mediator; potest tamen hoc nomen alijs conuenire inferiore modo, & per quandam participationem muneric Christi: sicut etiam Apostoli dicuntur Lux mundi, Magistri Ecclesiarum, fundamentum Ecclesiæ, quæ tamen Christo sunt propria. Sic Moyses Deuter. 5. & ad Gal. 3. vocatur Sequester Meyel, medius inter Deum & populum, & Mediator, quia intercedebat orando, & sacrificando pro populo, & leges diuinæ illis annuntiando. Simili modo, Sancti Sandt dicuntur nostri Aduocati & Mediatores. Cyrillus li. 12. Thesauri c. 10. dicit Moysem, Prophetas, & Apostolorum omnes fuisse Mediatores. Nazianzenus oratione, quam habuit coram Gregorio Nysseno, Martyres vocat nostros apud diuinitatem Mediatores.

Sic Beata Virgo dicitur Aduocata & Mediatrix nostra. S. Ephræm oratione ad B. Virginem: Ave B. Virgo Mediatrix gloriissima, Ave yniuersi terrarum orbis reconciliatrix. Anselm. lib. de Excellentia Virginis & Media- cap. 9. Quis ista perpendens, estimare queat quā laude digna sit, quæ tantorum beneficiorum sola p̄cūnctiū effici meruit Mediatrix. Cap. 12. vocat illam Reconciliatricem; quod idem, vel amplius valet, quā Mediatrix. D. Bernard. serm. in illud Apocal. Sigillum magnum apparuit in Calo &c. Opus est Mediatore ad Mediatorum illum, nec alter nobis similior, quam Maria. Et infra: Age gratias et, qui tales tibi Mediatrixem benignissimam miseratione prouidit: omnibus misericordia suum aperuit, vt de eius plenitudine omnes accipiant. Et infra: Iam te Mediatrixem sibi apud Sollem iustitia constitutam interpellat. Ratio est; quia hæc nomina non solùm usurpantur in sua perfectissimā significatione; sed etiam inferiore & imperfectiore modo: quomodo etiam dicitur Vita, spes & Salus nostra.



INDEX